



Xalq so'zi

O'zbekiston —
kelajagi
buyuk
davlat

2024-YIL — YOSHLAR VA BIZNESNI QO'LLAB-QUVVATLASH YILI

1991-yil 1-yanvardan chiqa boshlagan

WWW.XS.UZ

E-mail: Info@xs.uz

2024 yil 10-oktabr, № 207 (8830)

Payshanba

Saytimizga o'tish uchun QR-kodini telefoningiz orqali skaner qiling.



TOSHKENT SHAHRI QULAY SHAROITGA EGA MEGAPOLISGA AYLANADI

Prezident Shavkat Mirziyoyev 9-oktabr kuni
Toshkent shahrining bosh rejasi loyihasi bilan tanishdi.

Bugungi kunda shahar hududi 43 ming 822 gektar, aholi soni 3 milliondan ziyod. Kelgusida bu miqyos yanada oshib borishi tayin. Shu bois Toshkent shahrining 2045-yilgacha bo'lgan davrga mo'ljallangan bosh rejasi loyihalashtirildi.

Davlatimiz rahbari bu boradagi ilk ishlanmalar bilan 2022-yilda tanishgan edi. Unda berilgan ko'rsatma va tavsiyalar asosida loyiha takomillashtirildi. "ToshkentboshplanLITI" korxonasi Singapur, Buyuk Britaniya, Turkiya, Germaniya, Xitoy va Niderlandiya kompaniyalari bilan hamkorlikda puxta ish olib borildi.

Loyihaga ko'ra Toshkent shahri hududi 3 ta zonaga ajratiladi. Konservatsiya zonasida madaniy meros binolari, tarixiy joylar, uylar va yashil hududlar o'zgarishsiz qoladi. Rekonstruksiya zonasida master-rejalar asosida qo'shimcha qurilishlar qilish mumkin bo'ladi. Renovatsiya zonasida eskirgan uy-joy, binolar o'rnida yangi qurilishlar

va ta'mirlash amalga oshiriladi.

Bugungi kunda ekologiya va transport muammolari dolzarb bo'lib bormoqda. Xususan, oxirgi o'n yilda Toshkentdagi havo harorati o'rtacha 1 daraja ko'tarilgan. Ba'zi kunlarda atmosferadagi ifloslantiruvchi moddalar me'yordan ortiq bo'lmoqda. Avtomashinalar ham kun sayin ko'payib, yo'l harakati qiyinlashib bormoqda.

Shu bois yangi bosh rejada bu masalalar inobatga olingan. Jumladan, Toshkent shahri va uning atrofidagi yashil hududlar 3 karra ko'paytirilib, 25 ming gektarga yetkazilishi belgilanmoqda. Bu orqali aholi jon boshiga to'g'ri keladigan yashil maydon hozirgi 3 kvadrat metrdan 6 kvadrat metrga oshadi.

Shaharsozlik talabiga ko'ra aholi o'z yashash joyidan eng yaqin bog'cha, maktab, shifoxona, savdo va xizmat ko'rsatish obyektlarigacha ko'pi bilan 15 daqiqada yetib bora olishi kerak. Shu bois jamoat transporti tarmog'i kengaytirilib, bog'lamalar va bekatlar

ko'paytiriladi. Yangi yo'llar qurilib, metrobus yo'nalishlari tashkil etiladi.

So'nggi yillardagi o'sish natijasida Toshkentda elektr energiyasi, suv va oqova infratuzilmasi yuklama bilan ishlayapti. Bosh reja loyihasida bu quvvatlarni oshirish manbalari ham hisob-kitob qilingan.

Bosh reja tasdiqlangach uning xaritalari Shaharsozlik kadastri geoaxborot tizimida hamda Toshkent shahar hokimligi veb-saytida ochiq ma'lumot sifatida joylashtiriladi.

Mutasaddilar bosh rejaning shu kabi asosiy ko'rsatkichlari bo'yicha axborot berdi. Davlatimiz rahbari Toshkent shahrini kamida 7,5 million odam yashashi va ishlashi uchun qulay sharoitga ega yirik megapolisga aylantirish zarurligini ta'kidladi. Toshkent viloyatining Qibray, Zangiota, Yuqori Chirchiq, O'rta Chirchiq va Toshkent tumanlarini poytaxt bilan yaxlit aglomeratsiya asosida rivojlantirish bo'yicha topshiriqlar berdi.

YANGI AEROPORT BUXORONING TURISTIK IMRONIYATLARINI KENGAYTIRADI

Prezident Shavkat Mirziyoyev 9-oktabr kuni
Buxoro xalqaro aeroporti qurilishiga oid
taqdimot bilan tanishdi.

Mamlakatimizda aeroportlarni modernizatsiya qilish bo'yicha katta ishlar amalga oshirilmoqda. Shu yilning o'zida Shahrisabz, Qo'qon va Zomin aeroportlari ishga tushirildi, Namangan va Andijonda esa modernizatsiya boshlandi.

Aeroportlar boshqaruviga xususiy sektor jalb qilinayotgani ham o'z samarasini berayapti. Xususan, Samarqand xalqaro aeroporti xususiy boshqaruvga berilib, modernizatsiya qilingach parvozlar va yo'lovchilar soni 5 barobar oshgan.

Shunday salohiyat Buxoroda ham bor. Lekin u yerdagi aeroport aholi va turistlar talabiga javob bermayapti. Mazkur aeroport soatiga 400 nafar yoki yiliga 1 million yo'lovchiga xizmat ko'rsata oladi xolos. Bu — talabga nisbatan juda past. Parvozlarni boshqarish va yo'lovchilarga xizmat ko'rsatish tizimlari, kutish-kuzatish zallari eskirgan qatnovlarni ko'paytirish imkonini cheklayapti. Aksariyat sayohat Buxoroga borish uchun Toshkent, Samarqand yoki Urganch aeroportlariga qo'nishga majbur bo'lyapti. Masalan, 9 oyda Buxoroga tashrif buyurgan 1 milliondan ziyod xorijiy turistlarning 95 foizi poyezd yoki avtomobildan borgan.

Viloyatda mehmonxonalar tarmog'i, ziyorat turizmi rivojlanib bormoqda. Kelgusi uch yilda Buxoroga turistlar oqimini 8 millionga yetkazish reja qilingan.

Shu bois joriy yil 31-mayda Prezidentimizning viloyatga tashrifi chog'ida Buxoro tumanida yangi xalqaro aeroport qurilishi boshlangan edi. Davlat-xususiy sheriklik asosidagi ushbu loyiha doirasida jahon standartlariga mos aeroport tashkil etiladi. Soatiga 1 ming 200 nafar yo'lovchiga xizmat ko'rsatish imkoniyati yaratiladi. Yo'lovchi va havo kemalariga servis sifatini oshirish orqali yangi xalqaro aviakompaniyalar jalb qilinadi.

Taqdimotda loyihaning texnik-iqtisodiy jihatlari to'g'risida axborot berildi. Davlatimiz rahbari yangi aeroportda o'tkazuvchanlik qobiliyatini 2 barobar oshirib, soatiga 8 ta samolyot kelish-ketishiga imkoniyat yaratish zarurligini ta'kidladi. Terminalning qulayliklari, ichki va tashqi qiyofasi bo'yicha tavsiyalar berildi.

O'ZA.

SAYLOV — 2024

O'zbekiston Respublikasi
Oliy Majlisi Qonunchilik palatasi,
xalq deputatlari viloyat, tuman va
shahar Kengashlariga saylovlar
bo'yicha saylov kampaniyasi
doirasida siyosiy partiyalarning
saylovoldi tashviqoti davom
etmoqda. Bugungi sonda
O'zbekiston Ekologik partiyasi
nomidan "Tabiiy resurslarni
asrash va ulardan oqilona
foydalanish — bosh maqsadimiz"
sarlavhali maqola
e'lon qilinmoqda.

3-sahifaga qarang.

Fikr

ERTANGI KUN UCHUN MAS'ULLIK

Ma'lumki, saylovlar xalq xohish-irodasini demokratik tarzda to'g'ridan-to'g'ri, hech qanday to'siqsiz ro'yobga chiqaruvchi muhim ijtimoiy-siyosiy tadbir hisoblanadi. Shu bois keyingi davrda yangi O'zbekistonda xalq hokimiyati, fuqarolarning davlat va jamiyat boshqaruvidagi ishtirokini ta'minlash hamda saylov tizimini takomillashtirishga alohida e'tibor qaratib kelinmoqda.

Bunda saylovlarni xalqaro andozlar asosida uyushtirish va o'tkazish asosiy talab bo'lib, shu maqsadda qator xalqaro hujjatlarda belgilangan prinsiplar milliy qonunchiligimizga implementatsiya qilinganini aytish zarur. Zero, hozirgi vaqtda xalqaro huquqning prinsip va normalarini hisobga olmasdan, milliy saylov qonunchiligini rivojlantirish va saylovlarni o'tkazishning aslo imkoniyati yo'q.

Shu o'rinda dunyo davlatlari tomonidan o'tkazib kelinayotgan bunday saylovlar jarayonida qo'llanib kelinayotgan xalqaro saylov standartlari universal deb atalishini ham eslatib o'tish joiz.

Ta'kidlash joizki, jamiyatni jipslashtiruvchi omillardan biri ham, insonlar uchun zaruriy choralarini belgilashda hamjihatlikni ifodalashning birdan-bir yo'li ham xalq fikrini, xohish-irodasini ovoz berish orqali aniqlash va inobatga olishdir. Buning muhim, samarali jihati qarorlar qabul qilishda yakka



NING TANLOVIM — ODOB VATANIMI

shaxslar yoki jamiyatning ba'zi guruhlari emas, balki balog'at yoshidagi har bir inson bevosita o'z tanlovini amalga oshiradi. Saylovlarni ovoz berish yo'li bilan davlat boshqaruvi organlari, mahalliy o'zini o'zi boshqarish va boshqa ko'plab tuzilmalarga, boshqaruv jarayonlariga ta'sir etish vositasi hamdir. Saylov o'tkazish tartibi va qoidalari har bir davlatning Konstitutsiyasidan kelib chiqib belgilanadi hamda konstitutsiyaviy huquqlar doirasida amalga oshiriladi. Saylov tizimi, jumladan, saylov tartibi turli ko'rinishda bo'lishi mumkin. Unda aholi bevosita qatnashishi yoki ularning belgilangan vakillariga ishtirok etishi mumkin.



O'zbekiston Respublikasining QONUNI

Qishloq xo'jaligiga mo'ljallangan yer uchastkalarini ijaraga berish tartibining takomillashtirilishi munosabati bilan O'zbekiston Respublikasining ayrim qonun hujjatlariga o'zgartirish va qo'shimchalar kiritish to'g'risida

Qonunchilik palatasi tomonidan 2024-yil 16-iyulda qabul qilingan
Cenat tomonidan 2024-yil 20-sentabrda ma'qullangan

Keyingi yillarda mamlakatimizda yerga oid munosabatlarda tenglik va shaffoflikni ta'minlashga, yerga bo'lgan huquqlarni ishonchli himoya qilishga hamda ularni bozor aktiviga aylantirishga qaratilgan islohotlar amalga oshirilmoqda.

Shu bilan birga ijaraga oluvchi tomonidan ijaraga olingan qishloq xo'jaligiga mo'ljallangan yer uchastkalariga bo'lgan o'z huquqlari va majburiyatlarini boshqa shaxsga o'tkazishning (qayta ijaraga berishning) huquqiy asoslarini belgilash hamda yer uchastkalarini berish shartlarini yanada takomillashtirish zaruriyati yuzaga kelmoqda.

Ushbu Qonun bilan O'zbekiston Respublikasining Yer kodeksiga va boshqa qonunlariga ijaraga oluvchi tomonidan ijaraga olingan qishloq xo'jaligiga mo'ljallangan yer uchastkalariga bo'lgan o'z huquqlari va majburiyatlari yer uchastkasidan foydalanish maqsadlari o'zgartirilmagan holda boshqa shaxsga o'tkazilishi (qayta ijaraga berilishi) mumkinligini, shuningdek qishloq xo'jaligiga mo'ljallangan yer uchastkalarini ijaraga berishda ochiq elektron tanlov o'miga elektron onlayn-auksionlar joriy etilishini nazarda tutuvchi o'zgartirish va qo'shimchalar kiritilmoqda.

Bundan tashqari eng yaxshi taklifni tanlab olish yo'li bilan aniqlanadigan yirik investitsiya loyihasi amalga oshiruvchi jismoniy va yuridik shaxslarga yer uchastkalarini to'g'ridan-to'g'ri ijaraga berishda ijaraga oluvchi tomonidan O'zbekiston Respublikasining Davlat byudjetiga mablag'lar to'lanishi nazarda tutilmoqda.

Mazkur Qonun yer munosabatlarida tenglik va shaffoflikni ta'minlashga, shuningdek yer uchastkalarini ijaraga berish shartlarini yanada takomillashtirishga xizmat qiladi.

1-moddada O'zbekiston Respublikasining 1998-yil 30-aprelda qabul qilingan 598-I-sonli Qonuni bilan tasdiqlangan O'zbekiston Respublikasining Yer kodeksiga (O'zbekiston Respublikasi Oliy Majlisining Axborotnomasi, 1998-yil, № 5-6, 82-moddada; 2003-yil, № 9-10, 149-moddada; 2004-yil, № 5, 90-moddada; 2005-yil, № 1, 18-moddada; O'zbekiston Respublikasi Oliy Majlisi palatalarining Axborotnomasi, 2007-yil, № 12, 608-moddada; 2009-yil, № 1, 1-moddada, № 12, 472-moddada; 2011-yil, № 1, 1-moddada; 2014-yil, № 1, 2-moddada, № 9, 244-moddada; 2015-yil, № 8, 312-moddada; 2017-yil, № 9, 510-moddada; 2018-yil, № 1, 1-moddada, № 4, 224-moddada, № 7, 432-moddada, № 12, 781-moddada; 2019-yil, № 1, 1-moddada, № 3, 161-moddada, № 4, 199-moddada, № 8, 469-moddada, № 11, 792-moddada; 2020-yil, № 9, 540-moddada; 2021-yil, № 1, 3-moddada, 4-songa ilova, № 8, 800-moddada; 2022-yil, № 6, 570, 577-moddalar; 2023-yil, № 10, 795-moddada, № 11, 919-moddada) quyidagi o'zgartirish va qo'shimchalar kiritilsin:

1) 23-moddada ikkinchi qismning 3-bandidagi "ochiq elektron tanlov va" degan so'zlar chiqarib tashlansin;

2) 24-moddada ikkinchi qismning:

1-bandidagi "ochiq elektron tanlov" degan so'zlar "elektron onlayn-auksion" degan so'zlar bilan almashtirilsin;

(Davomi 2-betda).



Aks sado

MDH sammiti: KO'P TOMONLAMA HAMKORLIK SAMARADORLIGINI OSHIRISHDA MUHIM PLATFORMA


Mustaqil Davlatlar Hamdo'stligi Davlat rahbarlari kengashining kuni kecha bo'lib o'tgan navbatdagi majlisida ko'p qirrali munosabatlarning holati va rivojlanish istiqbollari yuzasidan fikr almashildi. Prezident Shavkat Mirziyoyev ushbu sammitdagi nutqida Rossiyaning MDHga raisligi davrida ko'p tomonlama hamkorlik barcha yo'nalishda rivojlanishini yuqori baholab, bir qator muhim tashabbus va takliflarni ilgari surdi. Bu haqda Oliy Majlis palatalari vakillari o'zlarining fikrlarini shunday ifoda etishdi.

4-sahifaga qarang.



YIRIK GIDROENERGETIKA LOYIHASI

Jahon standartlari asosida amalga oshirilmoqda



Mamlakatimizda keyingi yillarda energetika tarmog'ining muhim qismi hisoblangan gidroenergetika sohasini jadal rivojlantirish, qayta tiklanadigan energiya manbalaridan foydalanishni izchil oshirish, yangi ekologik toza ishlab chiqarish quvvatlarini tashkil etish, bu borada yangi GESlar qurilishida zamonaviy ilg'or texnologiyalardan samarali foydalanishga katta e'tibor qaratilmoqda.

Yangi quvvatlar

Ayni paytda Vazirlar Mahkamasining 2020-yil 31-yanvardagi "Chotqol daryosida Quyi Chotqol GES qurilishi" investitsiya loyihasi amalga oshirish chora-tadbirlari to'g'risida"gi qaroriga asosan "O'zbekgidroenergo" AJ tomonidan Toshkent viloyatining Bo'stonliq tumanidagi Chotqol daryosining belgilangan hududida qurilish ishlari jadal sur'atlarida olib borilayotir.

Ushbu loyihada O'zbekistonda ilk bor

jahon standartlari asosida to'g'on hamda GES binosi yaxlit inshoot sifatida qurilib, 4 ta — har biri 22,5 MVt quvvatga ega zamonaviy, yuqori samarador gidroagregatlar o'rnatiladi hamda avtomatik boshqaruv tizimi joriy qilinadi.

Gidrotexnik inshootning o'rnatilgan quvvati 90 MVt bo'lib, yillik o'rtacha elektr energiyasi ishlab chiqarish hajmi 300 mln. kVt-soatga teng, — deydi "O'zbekgidroenergo" AJ

boshqaruvi raisining birinchi o'rinbosari Bekzod Amirsaidov. — Bu ko'rsatkich, ya'ni GES quvvati kelajakda o'rtacha 125 ming xonadonni elektr energiyasi bilan ta'minlashga xizmat qiladi. Shuningdek, uning to'liq ishga tushirilishi 81,0 mln. m³ gacha tabiiy gazni hamda 250 ming tonna ko'mirni iqtisod qilish imkoniyatini ham beradi. Inshoot gidrologik rejimga ta'sir qilmaydi va gidrobiologik obyektlarga zarar yetkazmaydi hamda atrof-muhit va tabiat o'zgarishiga ta'sir ko'rsatmaydi. Qolaversa, GES obyektiga olib boruvchi hamda qurilish ishlari uchun muhim bo'lgan avtotransport yo'llari barpo etildi. GES faoliyati uchun zaruriy hisoblangan ochiq taqsimlash qurilmasi (OTQ) maydonning yer ishlari tugallanib, tayyor holatga keltirildi.



TABIYIY RESURSLARNI ASRASH VA ULARDAN OQILONA FOYDALANISH — BOSH MAQSADIMIZ



Suv resurslarini boshqarish: maqsad sari hal qiluvchi g'oyalar va amaliy qadamlar

Jahon bankining tahlillariga ko'ra, 2050-yilga borib O'zbekistonda **svuga bo'lgan talab 59 kub kilometr dan 62-63 kub kilometr gacha oshadi** va mavjud suv resurslari sezilarli darajada kamayadi. Bunday vaziyatda faqat suvdan oqilona foydalanish va tejankorlik choralarining o'zi kamlilik qiladi.

Mana shunday murakkab sharoitda eng to'g'ri va oqilona yechim — yer va suv resurslaridan foydalanish sohasidagi islohotlarni jadallashtirish, bu borada aniq vazifalarni amalga oshirishdir. O'zbekiston Ekologik partiyasi o'zining Saylovoldi dasturida ushbu yo'nalishda bir qator tashabbus va takliflarni ilgari surmoqda. Mamlakatimizda suv resurslaridan foydalanishdagi bugungi real vaziyat, mavjud muammolardan kelib chiqib hal etilishi zarur bo'lgan vazifalarni kun tartibiga olib chiqmoqda.

O'zbekiston Ekologik partiyasi Saylovoldi dasturida tabiatning bebaho ne'mati bo'lgan **suv resurslaridan oqilona foydalanish, aholining toza ichimlik suvi ta'minotini yaxshilash** hamda bu boradagi **mavjud muammolar yechimi** yuzasidan aniq takliflar ilgari surilmoqda.

Suv resurslari, ayniqsa, ichimlik maqsadlarida foydalaniladigan suv zaxiralarning taqchillashib borishi svuga bo'lgan munosabatni tubdan o'zgartirish yo'li bilan **ichimlik suvi resurslaridan oqilona foydalanish mexanizmini yaratishni** kechiktirib bo'lmaydigan vazifa sifatida oldimizga qo'yimoqda.

Mutaxassislar fikriga ko'ra mamlakatimiz suv resurslarining asosiy manbai bo'lgan **ikkita yirik daryo** — Amudaryo va Sirdaryo oqimi hozirgidan **15 foizga** qisqarishi mumkin. Shunday bo'lgan taqdirda butun Markaziy Osiyo bo'yicha aholi jon boshiga suv bilan ta'minlanish darajasi **25 foizga**, qishloq xo'jaligi ekinlari hosildorligi esa **40 foizgacha** kamayib ketishi ehtimoli bor.

Saylovoldi dasturida suv resurslaridan oqilona foydalanishga qaratilgan qator tashkiliy-huquqiy islohotlar olib borish taklif etilmoqda. Jumladan, **yangi suv havzalarini barpo etish va suvni barqaror boshqarish uchun irrigatsiya tizimlarini rivojlantirish** choralarini taklif etilmoqda.

Ekopartiyaning **yomg'ir suvlaridan samarali foydalanish** dasturini ishlab chiqish, **2025-yildan qurilish maydoni 500 kvadrat metr dan ortiq bo'lgan uy, bino va obyektlarda yomg'ir suvlarini yig'ish tartibini joriy etish, yomg'ir suvidan foydalanishni davlat tomonidan rag'batlantirish** mexanizmlari va davlat-xususiy sheriklik tamoyillarini joriy etish bo'yicha takliflari o'ta muhim hisoblanib, xorijiy davlatlar amaliyotida ham yomg'ir suvlaridan samarali foydalanish yo'lga qo'yilgan. Jumladan, Turkiyada **2 ming kvadrat metr dan ortiq ko'p qavatli uylar hamda yangi qurilayotgan binolarda yomg'ir suvini yig'ish tartibi** belgilangan. Germaniyada Frankfurt aeroportida **yig'ilgan yomg'ir suvi** aeroportning ko'kalamzorlashtirilgan hududlarining **60 foizini** sug'orish va texnik suv o'rini qoplash imkonini beradi. Avstraliyada esa yomg'ir suvi shaharlarda **9 foiz**, shahardan tashqari **63 foiz** svuga bo'lgan talabni qondiradi.

Ma'lumotlarga e'tibor qaratadigan bo'lsak, yurtimiz bo'ylab yog'ingarchilik o'rtacha yillik hajmi **186 mm** ni tashkil

Atrof-muhitni muhofaza qilish, yer, suv, yer osti boyliklari, o'simlik va hayvonot dunyosidan samarali foydalanish sohasidagi islohotlarni jadallashtirish, oziq-ovqat xavfsizligini ta'minlash kabi masalalar ekologik xavfsizlik asosi hisoblanib, bu masalalarni hal etish maqsadida O'zbekiston Ekologik partiyasi o'zining Saylovoldi dasturida aniq maqsadlarni o'z oldiga vazifa qilib qo'yimoqda.

“Tabiat uchun birlashaylik” shiori ostida partiyamiz yurtimizning barqaror rivojlanishi, ekologik xavfsizligini ta'minlash va tabiiy resurslardan oqilona foydalanishga yo'naltirilgan davlat siyosatini ro'yobga chiqarish, ekologik masalalarni hal etish nafaqat davlatning vazifasi, balki jamiyatning hamda har bir fuqaroning burchi bo'lishiga erishish yo'lida aniq va amaliy takliflarni, hayotiy tashabbuslarni ilgari surmoqda.

etadi. Hisob-kitoblarga ko'ra **1 kvadrat metr** tom sathidan o'rta hisobda **186 litr**ga teng yomg'ir suvini to'plash mumkin.

Agar biz hozirda ishlab chiqarish, uy xo'jaligi, maishiy, avtomobillarni yuvish kabilar maqsadlarda sarflanayotgan suvni yog'ingarchilik suvi hisobidan qoplasak, mamlakat bo'yicha sezilarli miqdorda toza ichimlik suvini tejashga erishamiz. Yomg'ir suvlarini to'plash odamlarning svuga bo'lgan munosabatini o'zgartiribgina qolmay, har bir yurtdoshimizni suvni tejash, yomg'ir suvlarini yig'ib foydalanishga undab, millionlab kubometr behuda yo'qotilayotgan qimmatbaho resurslardan samarali foydalanish madaniyatini oshiradi.

Hududlarda **yomg'ir suvidan foydalangan holda kichik yashil maydonlar va bog'lar barpo etish** ishlarini tashkil qilish va bunda turarjoylar va shaxsiy xo'jaliklarda **yomg'ir suvlarini yig'ish va foydalanish qurilmalari bilan jihozlangan** hamda undan foydalanib kelayotgan jismoniy va yuridik shaxslarni **rag'batlantirish tizimini joriy etish** mamlakatda **yashil maydonlarni** sezilarli ko'paytirishga, ularni barqaror saqlashga xizmat qiladi.

Shuningdek, qor-yomg'ir va sel suvlarini yig'ish imkoniyati mavjud

sathining pasayishi va sug'orish texnologiyalari keng joriy etilishi munosabati bilan **sug'oriladigan yerlarning gidrogeologik baholash tizimini ilmiy asosda qayta ishlab chiqish** ham, o'z navbatida, hayot uchun muhim bo'lgan suv resurslarini muhofaza qilish imkoniyatlarini kengaytiradi.

Yuqoridagi tashabbuslarni iqtisodiyotning qishloq xo'jaligi va sanoat tarmoqlarida suvdan samarali foydalanishga qaratilgan **Milliy dasturni ishlab chiqish orqali hayotga tatbiq etish** suv resurslaridan tizimli ravishda oqilona foydalanish siyosatini samarali amalga oshirishni ta'minlaydi.

Boshqa siyosiy partiyalarning suv resurslaridan oqilona foydalanish borasidagi dasturiy vazifalariga, masalan, O'zLiDeP Saylovoldi dasturiga e'tiborni qaratadigan bo'lsak, suv resurslaridan oqilona foydalanish borasida “Suv tejaydigan texnologiyalarni joriy qilgan fermer va dehqonlar xarajatining 50 foizini qoplab berish tartibini joriy etish tartibini o'rnatamiz” degan vazifa ilgari surilgan.

Shu bilan birga, O'zbekiston Ekologik partiyasi aynan shu masala qishloq xo'jaligi ishlab chiqaruvchilarining suvni tejaydigan sug'orish texnologiyalarini joriy etish bo'yicha xarajatlarning bir

muhim ko'rsatkichi bo'lgan **tuproq unumdorligini oshirishga** yo'naltirilgan choralar ko'rilishiga qaramasdan tuproq unumdorligi yildan-yilga pasayib bormoqda. Jumladan, respublikada o'rtacha tuproq unumdorligi 1991-yilda **58 ballni** tashkil etgan bir vaqtda ushbu ko'rsatkich 2001-yilda **55 ball**, 2021-yilda esa **53,7 ball bo'lgan**. Shuningdek, hozirda sug'oriladigan yerlarning qariyb **53,2 foizi** turli darajada sho'rlangan, yaylovlarning esa **10,8 foizi** turli darajada degradatsiyaga uchragan bu borada faoliyatni yanada takomillashtirish zarurligini ko'rsatadi.

O'zbekiston Ekologik partiyasi mamlakatdagi **qishloq xo'jaligida sug'oriladigan maydonlardan yanada samarali foydalanish, foydalanishdan chiqqan yerlarni qayta foydalanishga kiritish** yer resurslaridan samarali foydalanishda muhim ahamiyatga ega ekanini ta'kidlaydi. Bunda qishloq xo'jaligi ekinlarini yetishtirish uchun **yerlarni ekishga tayyorlashda resurs va energiya tejankor, ekologiyaga bezarar bo'lgan “No-TILL”** (yerga minimal ishlov berish) kabi **innovatsion texnologiyalarni keng joriy etish** taklifini ilgari suradi.

Atmosfera havosini muhofaza qilish bugungi kunning eng dolzarb muammolaridan biri

O'zbekiston Ekologik partiyasi o'zining Saylovoldi dasturida **atmosfera havosini muhofaza qilish, ozon qatlami yemirilishi, “issiqxona gazlari” normadan ortiq chiqarilishining oldini olish** va bu borada tashkiliy-huquqiy mexanizmlarni aniq belgilash maqsadida zamonaviy xalqaro standartlarga javob beruvchi yangi tahrirdagi **“Atmosfera havosini muhofaza qilish to'g'risida”gi qonuni** ishlab chiqish tashabbusini ilgari suradi. Bunda atmosfera havosi

Qolaversa, **yoqilg'i sifatiga e'tibor qaratish, an'anaviy uglevodorod yoqilg'ilaridan muqobil yoqilg'i turlariga o'tish, “yashil” energetikani keng joriy etish** tadbirlarini amalga oshirish zarur.

Bularning hammasi sanitariya-gigiyena va estetik jihatdan katta ahamiyatga ega bo'lib, shaharning qurilish-arxitektura kompleksiga qo'shilib, atmosfera havosini muhofaza qilishda juda muhim rol o'ynaydi. Yashil o'simliklar shaharlarning mikroiklimini ham yaxshilaydi. Daraxtlar issiq paytlarda atmosferaga ko'p miqdordagi suv bug'i chiqarib, kunduz kunlari havo namligini **20 – 30 foizga** oshiradi, haroratni bir necha daraja pasaytiradi.

Shaharlardagi yashil boyliklarning yana bir muhim va foydali xususiyati shuki, ular tovush va shovqinni **20 foizga** yutadi, daraxtlar qanchalik zich bo'lsa, shovqinni shuncha ko'p yutadi.

Shuning uchun ham partiyamiz **qurilish maqsadlarida daraxtlarni noqonuniy kesgan tadbirkorlarning yerga bo'lgan huquqini bekor qilish tartibini joriy qilishni** taklif etmoqda. Chunki ayrim quruvchi-tadbirkorlar tomonidan uy-joylarni qurishda qonunchilik talablariga rioya qilinmasdan, noqonuniy yo'llar bilan ko'plab daraxtlarni kesib tashlash holatlari uchramoqda.

2030-yildan poytaxt va yirik shaharlarda ichki yonuv dvigatelli yengil avtomobillar harakatini, 2035-yildan esa mamlakatda ularning sotilishini taqiqlash tashabbusi aholimiz sog'lig'ini muhofaza qilish uchun muhim ahamiyatga ega bo'lgan qulay atrof-muhit yaratishda va mamlakatda ekologik toza transport vositalarini ishlab chiqarish sanoatini rivojlantirish, qo'shimcha ish o'rinlari yaratish, aholi daromadlarini oshirishga xizmat qiladi.

Shuningdek, atmosfera havosi



bo'lgan hududlarda qo'shimcha sel-suv omborlarini tashkil etish hamda qishloq xo'jaligi, sanoat va maishiy sohada foydalanilgan **oqova va chiqindi suvlarni tozalab, qayta foydalanishga kiritish** (re-use) choralarini ko'rish, o'z navbatida, suvdan foydalanish samaradorligini oshirib, suv bekor sarflanishining oldini oladi.

Partiya **gidrogeologik tadqiqotlar** asosida yer osti suvlaridan samarali foydalangan holda **lalmikor dehqonchilikni rivojlantirishni** mamlakatda aholining **oziq-ovqat xavfsizligini ta'minlashda** muhim tadbirlardan biri deb hisoblaydi.

O'zbekiston Ekologik partiyasi o'zining Saylovoldi dasturida yangi suv havzalarini barpo etish va suvni barqaror boshqarish uchun **irrigatsiya tizimlarini rivojlantirish** taklifini ham ilgari surmoqda.

Suv resurslaridan oqilona foydalanish maqsadlarida yangi qurilayotgan **ko'p qavatli turarjoylarda** ichimlik va xo'jalik maqsadlarida foydalaniladigan suvlarining **alohida-alohida quvurlarda yetkazib berilishini tashkil etish** aholining ichimlik va sug'orishga mo'ljallangan suvdan oqilona foydalanish va suv resurslari hisobini yuritishda muhim hisoblanadi.

Suv ta'minotida **bozor mexanizmlarini joriy etishni** takomillashtirish va tashkiliy-huquqiy shaklidan qat'i nazar, minimal suv iste'molidan kelib chiqib **suv sarfi miqdorini belgilash**, yer osti suvlari

qismini qoplash va berilgan subsidiyani qaytarish tartibida o'z yechimini topqani hamda 2022-yildan boshlab qishloq xo'jaligi ishlab chiqaruvchilarining suvni tejaydigan sug'orish texnologiyasini joriy etish ishlarini bajarish xarajatlari uchun subsidiya faqat bir marta Davlat byudjetidan “Agro-subsidiya” YAAT orqali ajratilishi belgilanganligi bilan hozirda o'ta dolzarb emas, deb hisoblaydi.

Yer resurslari muhofazasi va cho'llanishga qarshi kurash choralarini kuchaytirish

Bugungi kunda **yerlarning degradatsiyasi, cho'llanish jarayonlari** dunyoning yuzdan ortiq mamlakatlariga tahdid solmoqda. Achinarlisi, bu ko'p jihatdan inson omiliga bog'liq bo'lib, tabiatdan ayovsiz foydalanish oqibatida yuzaga kelgan suv va shamol eroziyasi cho'llanish jarayonlarini yanada tezlashtirmoqda.

Mutaxassislar fikricha, respublikamiz hududining **70 foizi** yoki **31,4 mln. gektar** tabiiy sho'rlanishga, qum ko'chkilari, changli bo'ronlar va garmsellar tarqalishi ta'siriga uchragan qurg'oqqil va yarimqurg'oqqil maydonlardan iborat. Qariyb **10 mln. gektar** yaylovlar tubdan yaxshilanishga muhtoj.

Mamlakatimizda tuproq sifatining

ifloslanishiga sabab bo'luvchi imtiyozlar bekor qilinishining huquqiy asoslarini ham belgilab o'tish nazarda tutiladi.

Insoniyat hayoti uchun eng muhim omil bo'lgan atmosfera havosini muhofaza qilish, uning sifat ko'rsatkichlarini ekologik normativlarga mosligini ta'minlash ham bugungi kunning global muammolaridan biridir. Atmosfera havosining ifloslanishi inson, o'simlik, hayvonot, umuman, jamiki tirik mavjudotlarga zararli ta'sir ko'rsatadi.

Jahon sog'liqni saqlash tashkilotining ma'lumotiga ko'ra, dunyoda o'ntadan to'qqiz kishi ifloslangan havodan nafas olyapti. Yer yuzining **91 foiz** aholisi havosi ifloslangan hududlarda yashamoqda. Har yili **8 mln.** kishi havoning haddan tashqari ifloslanishi natijasida vafot etmoqda. Ayniqsa, Osiyo va Afrika qit'asi mamlakatlari bu ko'rsatkich bo'yicha yuqori o'rinlarda turadi.

So'nggi yillarda atmosfera havosi ifloslanishida antropogen ta'sirning roli keskin ortib bormoqda. Ishlab chiqarish korxonalarini, avtomobillar soni ko'payishi atmosfera havosiga tashlanayotgan tashlamalar miqdori ortishiga sabab bo'lmoqda.

Ekolog olimlar xulosalariga ko'ra, atmosfera havosining ifloslanishiga sabab bo'luvchi omillarni bartaraf etish, avvalambor, **yashil bog'** va **“yashil belbog”lar yaratish va ekologik toza transport turlaridan foydalanishni rag'batlantirish**, jamoat transporti jozibadorligini oshirishni talab etadi.

musaffoligini ta'minlashga xizmat qiluvchi **havoga chiqarilayotgan zararli gazlar miqdorini 2 barobarga kamaytirish**, me'yordan ortiqcha ifloslantiruvchi moddalarni chiqarganlik uchun **kompensatsiya to'lovlari 10 barobargacha oshirish** bo'yicha dasturiy vazifalarni amalga oshirish maqsadi ham partiya dasturining ayni bugungi kun uchun naqadar ahamiyatli ekanini ko'rsatadi.

Shu bilan birga, partiyaning Saylovoldi dasturidagi **qum va tuz bo'ronlari ko'tarilishi xavfi yuqori bo'lgan hududlar xaritalarini ishlab chiqish**, bu joylarda davlat dasturlari asosida ihotazorlar, yashil qoplamalar barpo etilishiga erishish, **oqova suvlarni tozalash inshootlarini modernizatsiya qilish va yangilarini qurish**, lokal oqova suv tozalash inshootlari bo'lmagan korxonalar faoliyatini **ekologik talablarga javob beradigan texnologiyalar joriy etilmaguncha to'xtatish** tartibi joriy etilishi atrof-muhit ifloslanishi bilan bog'liq muammolarning oldini olish va bartaraf etishga xizmat qiladi.

O'zbekiston Ekologik partiyasi o'zining Saylovoldi dasturi bilan tabiiy resurslarni asrash va ulardan oqilona foydalanishni bosh maqsadlaridan biri, deb hisoblaydi hamda ona tabiatga befarq bo'lmagan barcha fuqarolarimizni ushbu ezgu maqsad atrofida birlashishga chaqiradi!

Navro'zbek YUSUPOV,
Oliy Majlis Qonunchilik palatasi deputati,
Noiba INOYATOVA,
Oliy Majlis Qonunchilik palatasi deputatligiga nomzod.


MDH sammiti:

KO'P TOMONLAMA HAMKORLIK SAMARADORLIGINI OSHIRISHDA MUHIM PLATFORMA

Bahodir TOJIYEV, Oliy Majlis Senatining Agrar va sust xo'jaligi masalalari qo'mitasi raisi:

Davlatimiz rahbari o'z nutqida Rossiyaning mazkur tuzilmasiga raisligi davrida ko'p tomonlama hamkorlikning barcha yo'nalishida rivojlanishga erishilganini yuqori baholar ekan, aloqalarimizning istiqbollari bilan bevosita bog'liq bo'lgan qator tashabbuslarni bildirdi. Jumladan, MDH mamlakatlari xavfsizligi va barqaror rivojlanishini ta'minlash bilan bog'liq vaziyatga alohida e'tibor qaratildi. Bu bejiz emas. Bugun dunyo bo'yicha

xavfsizlikka tahdidning turli ko'rinishlari namoyon bo'lib turibdi. Shu bois MDH davlatlari maxsus xizmatlari va vakolatli idoralari o'rtasida tizimli hamkorlikni yo'lga qo'yish, bu tahdidlarga qarshi kurashish usullarini yanada takomillashtirish, kibexavfsizlikni ta'minlash borasida kelishilgan choralar va dasturiy hujjatlarni qabul qilish muhimligi qayd etildi. Ayni chog'da iqtisodiy yo'nalishdagi hamkorlikni kuchaytirish ham bugun



nihoyatda dolzarb. Ma'lumotlarga ko'ra O'zbekistonning MDH mamlakatlari bilan tovar ayirboshlash hajmi joriy yilning boshidan buyon 16 foiz oshgani qunovari, albatta. Ammo MDH

davlatlari imkoniyatlarini hisobga oladigan bo'lsak, bu ko'rsatkichni yanada yaxshilash mumkin. Bu esa tarmoq kengashlari va qo'mitalari faoliyatini faollashtirishni talab etadi. Prezidentimizning kelgusi yil bahorida Toshkent shahrida "Innoprom" xalqaro sanoat ko'rgazmasi doirasida MDH iqtisodiy kengashi yig'ilishi va Innovatsion rivojlanish forumini o'tkazish tashabbusi ham ana shu maqsadga yo'naltirilgani bilan diqqatga sazovor.

Anvar TO'YCHIYEV, Oliy Majlis Senatining Xalqaro munosabatlar, tashqi iqtisodiy aloqalar, xorijiy investitsiyalar va turizm masalalari qo'mitasi a'zosi:

Oxirgi yillarda O'zbekiston MDH doirasidagi faoliyatini sezilarli darajada faollashtirdi. Buni mamlakatimizning so'nggi yetti yilda avval imzolangan 24 ta ko'p tomonlama hujjatga, MDH oliy organlarining 22 ta qarori va 20 dan ziyod sohaviy hamkorlik organlariga qo'shilgani misolida ham ko'rish mumkin. Yana bir ma'lumot. Shu paytgacha ham mamlakatimiz yetakchisi tomonidan Davlat rahbarlari kengashi majlislarida hamkorlikni rivojlantirishga qaratilgan 90 dan ortiq turli takliflar ilgari surilgan bo'lib, ularning o'z vaqtida va to'la amalga oshirilishini ta'minlash maqsadida "yo'l xaritalari" qabul qilindi. E'tiborlisi shundaki, hozirga qadar ana shu tashabbuslarning 80 dan ortig'i hayotiy ro'yobini topdi. Shu sa'y-harakatlar natijalarida ham namoyon bo'lmoqda. Masalan, so'nggi oylarda Mustaqil Davlatlar Hamdo'stligi mamlakatlari bilan bo'lgan hamkorlar bilan 800 dan ortiq yangi korxonalar ishga tushirildi. Mamlakatimizning MDH mamlakatlari bilan tashqi savdo aylanmasi joriy yilning yetti oyida o'tgan yilning shu davridagiga nisbatan 15 foizdan ortiq o'sib, 15 milliard dollardan oshgani ham e'tiborga mo'lik.



Mustaqil Davlatlar Hamdo'stligining Moskvada bo'lib o'tgan sammitida Prezidentimiz tomonidan aloqalarimizni yanada kengaytirishga qaratilgan ko'plab yangi tashabbuslar ilgari surildi. Ayni chog'da mamlakatlarimiz hamda xalqlarimiz farovonligiga yo'naltirilgan muhim qarorlar qabul qilindi. Ishonamizki, ushbu tashabbus va qarorlar MDH o'rtasida barcha sohadagi hamkorlikni yangi bosqichga ko'tarish va pirovardida birgalikda taraqqiyotga erishmog'imizda dasturlamal bo'lib xizmat qiladi.

Manzura SALIMOVA, Oliy Majlis Senatining Fan, ta'lim va sog'liqni saqlash masalalari qo'mitasi a'zosi:



Sir emaski, bugun dunyoning turli mintaqalaridagi keskinlashib borayotgan ziddiyatlar barcha davlatlarning barqaror rivojlanishiga o'zining salbiy ta'sirini ko'rsatyapti.

Shunday murakkab bir vaziyatda MDH doirasida o'zaro aloqalarini mustahkamlash, xavfsizlik va taraqqiyotga erishish yo'lida birgalikda kurashish har qachongidan ham muhim.

Mavjud vaziyatdan kelib chiqib, davlatimiz rahbari mamlakatlarimiz o'rtasidagi o'zaro manfaatli hamkorlikni yanada kengaytirish bilan bog'liq bir qator takliflarni o'rtaga tashladi. Ular barcha a'zo davlatlar manfaatlariga birdek mos kelishi bilan ham katta ahamiyatga ega.

Majlisda gumanitar almashinuvni kengaytirish maqsadida Hamdo'stlik davlatlari madaniyati kunlarini o'tkazish taklif qilindi. Bu, o'z navbatida, sog'liqni saqlash, ta'lim, san'at, kino, turizm va sport sohalarida aloqalar yangi bosqichga ko'tarilishini anglatadi. Umuman, MDH davlatlari yetakchilarining bu galgi uchrashuvida asosiy natijalar sarhisob qilinishi barobarida, ko'p tomonlama hamkorligimizning aniq istiqbollari belgilab olindiki, bu barcha a'zo mamlakatlar uchun birdek manfaatlidir.

Firdavs SHARIPOV, Oliy Majlis Qonunchilik palatasi deputati:

MDH O'zbekiston uchun shunchaki muloqot, fikr almashish va qarashlarni solishtirish maydoni emas, balki ustuvor sohada amaliy hamkorlik qilishning g'oyat muhim instituti hisoblanadi.



Keyingi yillarda mamlakatimizning Hamdo'stlik ishidagi ishtiroki faollashdi. Prezidentimiz sa'y-harakati bilan MDHda yangi ishonch muhiti yaratildi. Bugungi kunda O'zbekiston MDH doirasida barcha sohada hamkorlikning ijobiy dinamikasini ta'minlab kelmoqda.

Davlatimiz rahbarining Mustaqil Davlatlar Hamdo'stligi Davlat rahbarlari kengashining navbatdagi majlisida ishtiroki va ilgari surgan dolzarb va aniq takliflari, shubhasiz, mamlakatlarimiz hamda xalqlarimiz farovonligi yo'lida MDH makonida ko'p tomonlama munosabatlar samaradorligini yanada oshirishga xizmat qiladi.

Binobarin, mazkur anjumanda hamkorlikning iqtisodiy yo'nalishida birgalikdagi faoliyatni kuchaytirish ustuvor vazifa ekanini qayd etilib, MDH tarmoq kengashlari va qo'mitalari faoliyatini faollashtirish zarurligi ko'rsatib o'tildi. Ayniqsa, davlatimiz rahbarining kelgusi yil bahorida Toshkent shahrida "Innoprom" xalqaro sanoat ko'rgazmasi doirasida MDH iqtisodiy kengashi yig'ilishi va Innovatsion rivojlanish forumini o'tkazish taklifi yangi istiqbolli loyihalarni ishlab chiqishga xizmat qilishi bilan ahamiyatlidir. Bu esa mamlakatlarimizning innovatsion salohiyatidan yanada samarali foydalanish va sanoat kooperatsiyasining yangi shakllarini, eng avvalo, yuqori texnologiyalar sohasida rivojlantirishga turki bo'ladi.

Prezidentimizning MDH sammitidagi nutqi ko'plab ezuq maqsadlarni ko'zlagani bilan muhim ahamiyatga ega. Uning yakunida MDH doirasidagi hamkorlikning ustuvor yo'nalishlari bo'yicha qabul qilingan bir qator bitim va qarorlar O'zbekiston iqtisodiyotining barqaror o'sishi va xalqimiz farovonligini oshirishga xizmat qiladi.

Muhammad VALIYEV, Oliy Majlis Qonunchilik palatasi deputati:

Moskva sammiti yangi tashabbuslarga va amaliy takliflarga boy bo'lganini diqqat bilan kuzatdik. Uchrashuv asosiy natijalarni sarhisob qilish va Hamdo'stlik doirasidagi ko'p tomonlama hamkorlikning keyingi rejalarini belgilab olish imkonini berdi.



Davlatimiz rahbari o'z nutqida qator muhim tashabbuslarni ilgari surdi. Xususan, gumanitar almashinuvlarni kengaytirish

maqsadida Hamdo'stlik davlatlari madaniyati kunlarini o'tkazish taklifi MDHga a'zo mamlakatlar o'rtasidagi ko'p qirrali munosabatlarni

rivojlantirishga xizmat qilishi, shubhasiz.

Qayd etish joiz, MDH xalqlarini umumiy madaniy-tarixiy meros hamda ko'plab gumanitar rishtalar bog'lab turadi. Bu omillar bugungi kunda Hamdo'stlikning mustahkam va ishonchli tayanchlari bo'lib qolmoqda. Xususan, madaniy aloqalar jadal rivojlanib boryapti. Bu esa mamlakatimizning mazkur birlashma a'zosi sifatidagi faol pozitsiyasi har tomonlama hamkorlikni sifat jihatdan boyitish va mustahkamlashga xizmat qilmoqda.

Davlatimiz rahbari tomonidan ilgari surilgan muhim tashabbuslar format doirasida keng qo'llab-quvvatlanib, amalga oshirilayotganini ham alohida aytish joiz. Jumladan, O'zbekistondagi yoshlarga oid davlat siyosati samaradorligi va bu boradagi xalqaro tashabbuslar natijalari e'tirof etilib, 2024-yilda Toshkent shahri Hamdo'stlikning Yoshlar poytaxti, deb e'lon qilindi. O'zbekistonning tashabbuskorligi, aniq g'oya va takliflari uning ishini jadallashtirdi, MDH faoliyati yangi mazmun bilan

muntazam uyushtirish hamda navbatdagi konferensiyani Samarqand shahrida sun'iy intellektni rivojlantirish masalalariga bag'ishlab o'tkazish taklif etildi.



hissasi uchun tashkilotning oliy mukofoti - MDH Faxriy nishoni bilan taqdirlangani ham fikrimiz isbotidir.

Kuni kecha Mustaqil Davlatlar Hamdo'stligi Davlat rahbarlari kengashining navbatdagi majlisida ham davlatimiz rahbari tomonidan bir qator takliflar ilgari surildi. Jumladan, MDH mamlakatlari ekspertlari va tahlilchilarining uchrashuvlarini

Bilamizki, har bir soha rivojida ekspert va tahlilchilarning fikr-mulohazalari, olib borayotgan tadqiqotlari muhim o'rin tutadi. Shu nuqtayi nazardan aytganda, ular ishtirokida turli anjumanlar o'tkazish ko'zda tutilayotgani, albatta, o'zaro tajriba almashish, qizg'in fikrlashishga keng platforma yaratadi.

Qolaversa, sun'iy intellekt texnologiyalarini jadal joriy etish va ularni keng qo'llash orqali raqamli ma'lumotlardan foydalanish imkoniyatini oshirish, sohada malakali kadrlar tayyorlash hamda kreativ iqtisodiyot, "yashil" energetikani rivojlantirishda muhim ahamiyat kasb etadi.

MDH davlatlari yetakchi tahliliy markazlari konferensiyasiga muvaffaqiyatli ravishda mezbonlik qilindi.

Erishilgan natijalar bilan cheklanib qolmay yangi loyihalar orqali samaradorlikni yanada oshirishga doir takliflar bu gal ham bildirilgani diqqatga sazovor. Jumladan, Toshkent shahrida MDH Iqtisodiy kengashi yig'ilishi va Innovatsion rivojlanish forumini o'tkazish taklifi ilgari surilgani ayni muddao bo'ldi. Zero, bu tadbirlar doirasida a'zo mamlakatlar bilan sohadagi hamkorlik borasida muhim natijalarga erishiladi, albatta.

boyidi. Davlatlararo munosabatlarda prinsipial jihatdan o'ziga xos sahifa ochildi, keng ko'lami va samarali sheriklikni kengaytirish uchun qulay imkoniyatlar yaratildi. Davlatimiz rahbari tomonidan ilgari surilgan taklif va tashabbuslar qisqa muddatda butun mintaqada uyg'un iqtisodiy-ijtimoiy rivojlanishni ta'minlash, o'zaro manfaatli va ishonchli hamkorlikni, millatlararo do'stlik rishtalarini mustahkamlashda qo'l kelishiga ishonchimiz komil.

"Xalq so'zi".

Dunyo nigohi O'zbekiston MDH doirasidagi aloqalarni o'zaro manfaatlar asosida rivojlantirish tarafdori

Prezident Shavkat Mirziyoyev 7-8-oktabr kunlari bo'lib o'tgan Mustaqil Davlatlar Hamdo'stligi Davlat rahbarlari kengashining navbatdagi majlisida ishtirok etdi.

Davlatimiz rahbari sammitdagi nutqida, Rossiyaning Hamdo'stlikka raisligi yakunlarini yuqori baholash barobarida, MDH davlatlarining xavfsizligi va barqaror rivojlanishini ta'minlash masalalariga alohida e'tibor qaratdi, shuningdek, savdo-iqtisodiy, madaniy-gumanitar sohalarda hamkorlikni faollashtirish bo'yicha qator muhim takliflarni ilgari surdi.

Xalqaro ekspertlar ta'kidga ko'ra, O'zbekiston tomonidan ilgari surilayotgan tashabbuslar pragmatik va dolzarb bo'lib, zamonaviy chaqiriqlarni oldindan ko'ra bilishga qaratilgan.

Antonio ALONSO, San-Pablo universiteti professori (Ispaniya):

O'zbekiston yetakchisi o'z nutqida hamkorlikning iqtisodiy jihatlari asosiy o'rinlardan birini egalladi. Respublikaning yil boshidan buyon MDH mamlakatlari bilan tovar ayirboshlash hajmi 16 foizga o'sgani va sanoat kooperatsiyasining muvaffaqiyatli namunalari yanada rivojlanish uchun salmoqli salohiyat mavjudligini bildiradi.



2025-yil bahorida Toshkent shahrida "Innoprom" xalqaro sanoat ko'rgazmasi doirasida MDH Iqtisodiy kengashi yig'ilishi va Innovatsion rivojlanish forumini o'tkazish taklifi O'zbekistonning kooperatsiyani yanada mustahkamlash, kreativ va raqamli yechimlarni ilgari surish istagidan dalolat beradi.

O'zbekiston Prezidenti tomonidan gumanitar sohada tilga olingan, ta'lim, sport, sog'liqni saqlash va san'at jabhalarida madaniy almashinuvlarni kengaytirish, qo'shma tadbirlar o'tkazishga qaratilgan tashabbuslar ham muhim ahamiyatga ega. Shaxmat va futbol bo'yicha yoshlar jamoalari o'rtasida MDH ochiq kubogi musobaqalarini o'tkazish bo'yicha tashabbuslar O'zbekiston yoshlar o'rtasidagi aloqalarni mustahkamlashga tayyor ekanini ko'rsatadi.

Solih YILMAZ, Rossiya va MDH mamlakatlarini o'rganish instituti direktori (Turkiya):

Prezident Shavkat Mirziyoyevning uzoqni ko'zlagan va pragmatik tashqi siyosati, prinsipial siyosiy irodasi tufayli O'zbekiston MDHga a'zo barcha davlatlar bilan ko'p qirrali hamkorlikni jadal rivojlantirishga erishdi.



O'zbekiston rahbari MDHning joriy sammitida a'zo davlatlarning xavfsizligi va barqaror rivojlanishini ta'minlash bo'yicha yuzaga kelayotgan vaziyatga alohida e'tibor qaratib, maxsus xizmatlar va vakolatli idoralari o'rtasida tizimli hamkorlikni yo'lga qo'yish, zamonaviy muammolarni hal qilish, xavfsizlikni ta'minlash sohasida muvofiqlashtirilgan chora-tadbirlarni ko'rishni takomillashtirish muhimligini ta'kidladi.

Shuningdek, O'zbekiston rahbari tuzilma doirasidagi hamkorlikning iqtisodiy yo'nalishi ustuvor vazifa bo'lib kelgani va shunday bo'lib qolishini, bu boradagi hamkorlikni kuchaytirish uchun MDH tarmoq kengashlari va qo'mitalari faoliyatini faollashtirish zarurligini bildirdi. Alohida ta'kidlash kerakki, MDH davlatlari yetakchi tahliliy markazlarining konferensiyasi Toshkentda tashkil etilgani va shu nuqtayi nazardan O'zbekiston Prezidenti tashabbusi bilan 2025-yilda Toshkent shahrida MDH Iqtisodiy kengashi yig'ilishi va Innovatsion rivojlanish forumini o'tkazilishi muhim ahamiyatga ega.

O'zbekistonning MDH doirasidagi uzoq muddatli hamkorlikning yangi ustuvor yo'nalishlari, xususan, internet texnologiyalari va "katta ma'lumotlar" industriyasini rivojlantirish, raqamli yechimlarni jadal joriy etish, kreativ iqtisodiyot, "yashil" energetika va yadro texnologiyalari, iqlim muammolari va boshqalarni ko'lab-quvvatlash bo'yicha takliflarni ham muhim deb bilaman.

Sun CHJUANCHI, Xitoy Ijtimoiy fanlar akademiyasining Rossiya, Sharqiy Yevropa va Markaziy Osiyo instituti direktori:

O'zbekiston Prezidenti Shavkat Mirziyoyevning tig'iz kun tartibidagi Moskva shahrida bo'lib o'tgan MDH Davlat rahbarlari kengashining navbatdagi majlisidagi ishtiroki yana bir muhim voqea bo'ldi. O'zbekiston yetakchisi o'z nutqida ustuvor yo'nalishlar - xavfsizlik, iqtisodiyot, madaniy-gumanitar yo'nalishlardagi hamkorlikning bir qator dolzarb masalalariga alohida to'xtaladi.



O'zbekiston rahbari, xususan, MDHdagi mavjud xavfsizlik holatiga e'tibor qaratib, Hamdo'stlik davlatlarining barqaror rivojlanishini ta'minlash uchun qulay shart-sharoitlar yaratish maqsadida tizimli hamkorlikni yo'lga qo'yish muhimligini ta'kidladi. O'zbekiston rahbari tuzilma doirasidagi madaniy-gumanitar hamkorlik haqida gapirar ekan, sog'liqni saqlash, ta'lim, san'at, kino, turizm va sport sohalarini har tomonlama qamrab oluvchi qo'shma tadbirlarning yillik dasturini qabul qilishni taklif etdi.

Prezident Shavkat Mirziyoyev tomonidan ilgari surilgan takliflar O'zbekiston MDHning faol, konstruktiv va mas'uliyatli ishtirokchisi ekanidan dalolat beradi. Aynan mana shu jihatlar mutanosiblik va pragmatizm bilan ajralib turadigan yangi O'zbekiston tashqi siyosatiga xosdir.

"Dunyo" AA.

Footer section containing contact information, subscription rates, and publication details for 'Xalq so'zi' newspaper.